

陶文毅公全集

陶文毅公全集卷六十一目錄

詩集

五言絕句 六言絕句附

信陽懷何仲默先生

曉行卽景

秋夜

題畫應謝湘帆

過桃花溪

湖邊夜坐

過段司農神道

七曲山謁梓潼神

隔牟鎮過東漢王稚子石闕

蓮花碣

中秋夜鄰友邀余踏月歸而月色橫窗花枝滿地

獨坐庭中口占二十字

雄縣

合肥包公祠

癸未元旦夢中將起得句

松江九峰詩

題張仙槎泛槎圖

題海州宿城山仙人屋

有序

海州留雲嶺

石門南崖印心石屋圖

石門北崖印心石屋圖

廬山印心石屋圖

金陵印心石屋圖

金山印心石屋圖

焦山印心石屋圖

滄浪亭印心石屋圖

蜀岡印心石屋圖

清河印心石屋圖

岳麓印心石屋圖

題貞萱花圖爲俞貞女賦

題伊墨卿太守遺照

六言絕句附

詩集 五言絕句 六言絕句附

信陽懷何仲默先生

八歲能古文妙悟空風雅游徧藩貴門阿兄騎作
馬

名筆毋汚人經年無一字可惜崆峒生終慚書院
記

曉行卽景

殘月挂松梢閒雲走天半但聞征鐸聲不見行人
面

雞聲催不已茅屋人未起時有一燈來馬踏寒煙

裏

秋夜

秋氣滿長安
秋風吹短髮
一夜旅人情
砧聲落寒月

題畫應謝湘帆

山寒石氣青
木落生高爽
遙見白雲中
數峰自來往

煙末黃茅屋
泉封戶不開
一行何處鴈
天外帶秋來

過桃花溪

山路雨後深雲樹蒙朝絮一鳥忽發聲衝破煙痕
去

澗曲小橋橫屋角雲中現不見武陵人但見桃花
片

湖邊夜坐

冉冉星沈水依依月上山漁歌何處發遙指白雲
灣

過段司農神道

報國心似鐵擊賊膽如斗墳前一片石含笑爲公
有

七曲山謁梓潼神

蛾賊窺城日陰旌卓女牆

冉賊圍梓潼見旌旗偏城上卽遁去旋奉

旨梓潼爲文昌桑梓之鄉官軍屢次殲賊未必不由神佑特頌

御書扁額以昭靈蹟

始知鐵

如意原不爲姚萇

彌牟鎮過東漢王稚子石闕

平正石爲心循良碑在口屹屹二千年彌牟成峴

首

蓮花碕

誰把蓮花峰散向巴陽擲如逢米舍人不拜齋前

石

中秋夜鄰友邀予踏月歸而月色橫窗花枝滿地
獨坐庭中口占二十字

月色明如許宵深尙倚欄所嗟予有弟兩載不曾
看

雄縣

一礪中央小樓門鐵作樞公孫成底事枉自殺劉
虞

合肥包公祠

愧乏摘伏能亦無關節到僕僕泥塗中應教包老
笑

包老亦恒情嚴峭中無憾可笑當時人尙慮公多事

衢民祀諸葛走卒知司馬萬古包龍圖姓字在天
下

癸未元旦夢中將起得句

雨息煙猶漬雲開日又新一聲雞唱曉天下盡皆
春

松江九峰詩

九峰如九子相隨老鳳皇云何集東海和鳴愛朝

陽鳳皇

山

何山無寶藏庫公何爲者下有亢桑書千金非陸

賈

庫公山麓舊有陸寶山或云亢桑子藏書其下今已成平陸矣

故老云余山

天題昭象緯至今蘭荀香猶帶旃檀氣

余山卽成山康熙御賜名

蘭荀

山

神山古緇林上有仙人迹一臥白雲中空山響泉

石

神山有神隱仙館又有彭道士遺蛻處

莫認諸任齒誰解登峰望珊珊李鄴侯試立屏風

上

屏風山一名薛山

簪山多竹箭利或擬干將會同一劍試剖出是瓊

漿簪山下有
試劍石

中界卽鍾賈其形似天馬蹴踏古雲間騎驢不能

下鍾賈山居九峰之間一名中界山又名
天馬山旁有廬山或作驢山言其小也

攜來蒼玉尺躡此石庚庚一條誰界破知是白雲

橫橫雲
山

不到斗牛邊豈識支機石一片小崑山中有連城

壁小崑
山

題張仙槎泛槎圖

五嶽歸雙屐孤雲伴一身不圖向禽後復見有斯

人

銀河至析木借問幾重里君有博望槎泛泛只一水

神馬與尻輪臥游卽雲轡一展少文圖勝讀何鏗記

我亦習行滕煙水緣多結快遇輞川人爲我補鴻雪

題海州宿城山仙人屋

有序

法起寺北有瓢崖洞石竅嵌空方廣若堂奧有門有窗有案洵天巧也因名之曰仙人屋繫以四絕句道光乙未四月二十六日

奇石立空青懸巖瀉飛瀑白雲來往間中有仙人
屋

屋好揭雲窗琳宮玉女房

陳雲伯名其窗曰
玉女子爲書之儻令

阿母見應識小東方

琪草出林香茯苓和露煮萬古此深山石牀不知

暑

琴彈風入松潭冷龍欲起借問仙者誰樓上華陽

子

海州留雲嶺

爲霖四海心處處望雲駐仙山海氣深此是留雲

處

石門南崖印心石屋圖

地訝金壺迴山疑玉筍排
鼇圖何處負天近

御書崖

石門北崖印心石屋圖

石闢文翁室江環仲蔚居
莫驚星斗燦雲外有

天書

廬山印心石屋圖

醉石在柴桑聞有陶公宅
雲出本無心一印空山

白

金陵印心石屋圖

金陵枕石頭博山當其缺遙對天印山鑪煙正簷
絕

金山印心石屋圖

金山若麗人心清金屋貯永鎮石欄橋如聞佛印
語

焦山印心石屋圖

焦山亦有屋勝在山之腹心印

聖人書永戴如天福

滄浪亭印心石屋圖

不借生公石滄浪印此心金閭詩屋在萬絲結成
陰

蜀岡印心石屋圖

煙月揚州好平山記舊游歐蘇心印在文采足風
流

清河印心石屋圖

一代河清瑞真同印印泥安流鞏磐石野屋稱心
題

岳麓印心石屋圖

麓山好泉石印取心如玉上有禹碑亭中堪結茅

屋

題萱花圖爲俞貞女賦

休歌陌上桑
莫唱江干竹
可憐貞萱花
原是女貞木

二月桃未夭
三月蘭已萎
可憐貞萱花
不得成連理

仙果海中移
扶畱枝上寄
可憐貞萱花
居然稱遠志

咳黍潔昏宸
庭荆妥風雨
可憐貞萱花
小比菴施苦

松柏知歲寒梧桐耐秋老可憐貞萱花今日亡憂
草

辛苦薺味甘劬勞莪詠蓼可憐貞萱花竟見蟠桃
熟

題伊墨卿太守遺照 六言絕句附

筆補籀斯遺法胸藏宛委長春光惚梅花官閣溯
洄秋水伊人

陶文毅公全集卷六十二目錄

詩集 七言絕句

茱萸江竹枝詞

曉發武潭

過洞庭

黃陂道中

辛酉歲自六月初一日大雨以來截漕煮賑以工

代賑諸務次第舉行

詔命使者八人分路查災有多救活一民卽減朕一分之罪之

諭聞者莫不雪涕伏讀恭紀

壬戌四月二十一日

保和殿策試恭紀

假歸出都口占

鄴中懷古

襄陽詠古

除夕前一日抵家

題家蘭亭眠琴綠陰圖

書劉三

希本

見懷詩後

登圭溪埕同龔茂才

爲黃文圃先生

崇貴

題蓮池睡鷺圖

贈王汲深茂才

益陽別曾瑞章胡湘珍劉翼芝之諸友

舟中雜興

漢川道中

寄汲縣巫虛軒明府

少白

湘妃廟

蠡山

題雙松畫軸應駱廣文

孔僕

題畫

村居雜詠

梅子嶺

題畫

由中窺至南嘴湖水甚大

天心湖望楊閣部墳山

讀史偶感

長沙竹枝詞和曾廉訪

安陽偶感

固關

郭林宗祠

九芝堂

聞喜懷裴晉公

安邑道中

臨晉道中

風陵口望華山雲氣甚密

羅敷谷

灰埵

新豐

鴈門坂

驪山懷古

扶風懷古

寧羌道中望嶓冢山

塗中望瀑布

飛仙閣

雲頭山

自入棧道樹木絕少惟劍閣以南至梓潼數百里
間古柏夾道蒼然森秀蓋趙宋時州守李壁所
植也丙邱喬鉢題曰翠雲廊暑途樂其庇蔭爲
作一絕句

仙人橋

成都雜詠

有序

納溪多錦石舟人拾得紅白相間天然成人物形
有作波勢而中暈白者命之爲洞庭秋月云

酆都望陰王山

題巴東秋風亭

龍山

荆門州觀蒙惠二泉

友驥圖應符又超

鴻

同年

定州道中

庚午十一月念二日

瀛臺復

命恭紀

送李庶常

象鵬

乞假歸省

洛神圖戲應柘農

李水部招同蔡鐵君關午亭集借綠山房卽席上

瓦卮舊句分賦得月下對佳人

題二喬觀兵書圖

自題入蜀出蜀二圖

詩集 七言絕句

茱萸江竹枝詞

石門潭下水盈盈石門潭上石如城同去打魚同

打漿月明搖到馬家坪

相傳坪爲馬氏據湖南時墓地其上猶名天子山云

山從馬轡望壺頭

馬轡地名

帆轉隨山挂復收買得鱸

魚長一尺泊船先賽伏波侯

馬轡市後有馬伏波廟征五溪蠻所由道

也江中有試刀石形跡宛然

前灘屹呀接後灘船來灘心灣復灣忙殺長年驚

殺客回頭只有白鷗閒

纔交穀雨見旗槍安排火炕打包箱芙蓉山頂多

女伴採得仙茶帶露香

芙蓉山有仙茶一株
遇者其年獲利數倍

鹿眼籬笆苦竹編人家住在翠微顛飽得春來好
鄉味筍兒生角蕨如拳

江南江北樹叢叢比鄰都似灤西東來朝牛脊初

分雨同上天門祀社公

江北有山曰一
天門俯臨江際

長鑱短鍤上山坡白雲深處有山歌櫻樹作衣蒲
作笠生來不解羨紉羅

巖檐低亞雪驚風芋蕒收拾稻梁充多竈樹根乾
曬日大家圍火說年豐

黃茅縛屋頂尖尖新剝杉皮蓋屋檐怪得村翁眉

一寸臥窗高挂是松髯

香鑪山上隱風雷香鑪山下白雲堆看郎一似山
雲樣蚤晨飛去晚飛回

曉發武潭

恍惚湘流六六灣垂楊雙岸綠如鬟晨興記得昨
宵雨自起推篷看遠山

過洞庭

斗酒推篷話小舫湖光駘蕩浴春星閒聽一夜南
風駛已報扁舟過洞庭

黃陂道中

草屈金鉤麥著鬚紅襟春燕掠平蕪東風忽送隄
邊雨十里濛濛入畫圖

辛酉歲自六月初一日大雨以來截漕煮賑以工
代賑諸務次第舉行

詔命使者八人分路查災有多救活一民卽減朕一分
之罪之

諭聞者莫不雪涕伏讀恭紀

念念如傷視小民逢災更仰疊

恩綸都將萬點蒼生淚灑作荒郊草木春

至惠真教徧八垓天心默爲

帝心回九年洪水七年旱爲遇

堯湯不筭災

壬戌四月二十一日

保和殿策試恭紀

香案分行照佩琚

天題新溼紫雲書

制策首舉無逸一篇 硃筆復增我 皇考常書於屏展一

語

曾聞尺五台階迴今日身親到

帝居

內府新茶次第分階前五色繞仙雲草茅十載書生

事三策天人答

聖君

假歸出都口占

曉日曈曈淨九街花驄新試錦鞍回路人指點風
旌字知道郎君天上來

共有文章證列仙西風一騎嫩涼天兩年珠米長
安債今日看山不費錢

數行官柳弄晴暉夾道鬖鬖近十圍記得來時彈
指處春痕猶疊舊征衣

迢迢客路記曾經瞥眼

金鑾第幾層最是難忘回首處五雲天末矗觚棱

鄴中懷古

鍊色知聲豔麗陳爲奴破賊已勞神釜中其豆然
方急爭信東阿賦感甄

白髮江南老夢思園鄰朱玉舊樓遲婆娑枯樹誰
能賦只有韓陵片石知

揮兵臭家氣非常面首於期事可傷至竟戰和無
一是空令長腳笑師王

七子才華等角觴詞場傾軋晚堪悲誰知眇目談
詩客猶有琵琶賺賈姬

襄陽詠古

陶文毅公全集

卷六十二

詩集

四

角逐孫劉火運窮耕莘人亦起隆中鹿門灘上山
偏好未異繩牀泛海東

遠矣丰標自去人輕裘緩帶古無倫外孫如此風
流甚不枉中郎有替身

征鞍不跨取封侯武庫森森列劍矛聞說豐碑親
泐字高山流水尙悠悠

誤入鄰家便醉鄉沈酣典午盡荒唐高歌一曲習
池晚猶勝持螯畢鮑陽

更憶荊州舊從事文章袁伏未容誇修書獨有春
秋筆不遺當塗接漢家

才名久在壓諸公
拾橡行吟寄傲同
莫訝許身輕
稷契衙官屈宋有家風

風雪蕭蕭穩跨驢
浩然亭外影模糊
清情最愛孟
夫子稱得高人爲寫圖

衆香國裏老神仙
奇絕高呼御陛前
一代顛名不
易得江雲猶護米家船

除夕前一日抵家

餐風連月數歸程
到岸先憑一葉輕
還憶開帆前
度日半江絲柳雨初晴

爆竹聲轟報歲除
一家歡會樂何如
拋青小酌圍

卷之二
王
鐘夜已有春風到敝廬

題家蘭亭眠琴綠陰圖

泉石泠然望裏分
囊琴不鼓想昭文
箇中領取幽篁意
應識前身是此君

書劉三

渝本

見懷詩後

幾載長安遠別離
關山飛越夢魂知
祇今風雨蕭蕭夜
愁對寒燈檢舊詩

登圭溪墪同龔茂才

七級浮圖倚翠峰
插空雲海盪心胸
便攜萬里看山伴
直到煙霄第幾重

科跣登臨意氣豪
秋空無際自高高
連山忽湧波濤起
我欲乘風策六鼇

記得春林宴罷瓊
銀袍換卻共題名
而今賓鴈來從處
驤首紅雲辨玉京

倚天拔地座中分
筆鏐文芒總不羣
試問下方揩目望
定知雲路有諸君

爲黃文圃先生

崇賁

題蓮池睡鷺圖

浪裏營身愁海鳥
鏡中窺影笑山雞
花開兩岸荷香後
獨向風波穩處棲

贈王汲深茂才

西風瑟瑟鬢毛侵高館同傾竹葉深
豫向燈前占後會好花開出此詩心

益陽別會瑞章胡相珍劉翼芝諸友

江邊柳色劇堪憐二月飛絲已上煙
記取今朝攀折處草風沙雨寄纏綿

舟中雜興

打鼓開船放櫂歌江豚踏浪礮雲多
書生自有乘風興不獨將軍號伏波

葉葉風帆波底明好峰排岸立如城
空潭忽倒斜陽影人在青冥頂上行

小小船艙一榻孤臥聽風水
上菰蘆興來愛揭疏篷坐
四面青山看畫圖

奔走南轅兩臘來
家園孤負好春杯
白雲一似扁舟客
望望深山去欲回

漢川道中

來往如梭見畫船
平沙三月草連天
晚風吹散隄邊雨
萬綠叢中出漢川

寄汲縣巫虛軒明府

少白

黃河北上衛河流
小住行人怨石尤
借得一帆吹

送力春風十日到瀛洲

中路馬疲虛軒遣護至京

湘妃廟

北渚靈旗竟不歸
瀟湘回望水雲飛
虛畱殘廟荒山裏
斜日空庭淡翠微

蠡山

相傳范蠡游五湖隱此

霸越亡吳事已成
五湖來去一舟輕
鴟夷子易陶朱號
卻笑茲山得舊名

題雙松畫軸應駱廣文

孔僕

拏空鱗甲露之而恍惚
雙龍挂壁時應喜
清標對清夜不教此叟號
支離

根蟠常帶古時春
風影蕭蕭總鬱輪
我欲借將張

璪筆石邊添箇聽濤人

題畫

古香醺秘幾枝斜翦翦籬邊是此花顏色不須驚

黯淡昨來和酒上烏紗

墨菊

嚴風一夕變霜華夢裏羅浮道路遐忽見煙枝雙

管發不須打鼓報唐花

墨梅

天然國色自傾城姚魏紛紛枉擅名一筆繁華渾

掃卻方知富貴草頭輕

墨牡丹

村居雜詠

新植檀欒十數行石泉引水灌池塘紅塵百斛飛

難到合著人家住那廂

一溪流水點清光鴈齒中排小石梁識得楊花早
消息數頭浮出鴨兒黃

踏車何處響鴉鴉茅屋臨溪野客家昨夜牆頭好
風色嫩枝催放小桃花

重谿忽豁兩邊晴小步穿雲不借輕徑向石牀深
處坐迴風送到鵲鳩聲

坡前芳草綠茸茸接尾烏犍掉晚風最好牧童歸
戴笠一聲蘆笛月明中

青蒼叢竹小橋西滑滑泥深報竹雞趁得陳根纔

冒櫛春原十里好扶犁

村盤三九未爲貧石耳溪毛手自尋一夜東風香
滿甕菜花和露煮黃金

簇簇香螺擁黛鬟開窗時望翠微間濃雲向午如
翻墨一幅天然罨畫山

梅子嶺

山經梅子路陂陀一度酸心一度過不盡望雲雙
眼淚一時和雨點衣多

題畫

玉佩丁東小步遲纖腰同鬪柳枝枝看花不隔桃

紅面對立東風欲暮時

由中窖至南嘴湖水甚大

萬頃湖天雪打開樹顛浮起綠成堆小舟葦裏亂
穿過一陣蕭蕭風雨來

天心湖望楊閣部墳山

運籌幃幄原乖術畢命疆場匪愛身世亂始知才
不易督師死後更無人

師門忍用鞭尸報謫口誰從死後明檣杌若教成
信史莫將首惡赦周生

讀史偶感

柳絲吹盡小橋東
狼籍園林泣落紅
莫怨飄零馬蹶下
桃花原是不禁風

淡淡銀雲夜不流
哀絃親按小箏篴
分明淚雨風邊落
一錯空教鑄六州

長沙竹枝詞和曾廉訪

青草湖邊青草浮
白蘋洲上白蘋秋
蒼梧帝子不歸去
落日蓼花空復愁

花落黃陵古廟開
風風雨雨鷓鴣哀
不怨哥哥畱不得
盤塘江上莫徘徊

霏霏穀雨滿江鄉
君山頂上露旗槍
喚箇相於名舟

采茶去湘妃祠下默燒香

峰繞三三灣六六湘水湘山終古奇
水流似妾腸
欲轉山面如郎情可疑

九歌哀韻愁今古人海波瀾總不平
莫怪南來橘
洲路昭潭無底亦人情

牛頭洲邊石子圓馬王城下水粘天
來往如梭倒
艇子解識回頭是向前

靈麓高高神禹碑淒其山鬼叫風雷
誰道人心不
能轉山頭猶有石飛來

妙高山色畫屏新妙高山下水粼粼
多少游人不

知味出山何似在山真

香茅蓋屋黃添就苦竹編籬綠作成只有湘山諸
野老白雲爲友一身輕

阿儂解演巴渝曲漁父能歌欸乃辭江樓十日風
和雨又唱會公小竹枝

安陽偶感

只爲南軒下筆難

前人句

符離書法遂從寬誰人更

議挑師局忠獻兒孫一例看

固關

固關高截亂雲中九塞崎嶇此最雄卻上樓頭一

長嘯瀑簾飛捲四山風

郭林宗祠

下馬來尋蔡氏碑風流想見墊巾時祠前十抱孤

槐影霜色猶存太古枝

祠前古槐一株大數抱云是漢植

九芝堂

堂在靈石驛館嘉慶九年七月芝九本產梁上故名

蕙脯階蓂汗漫辭空山草木本無知時清不謝登

封瑞零落斯堂號九芝

聞喜懷裴晉公

名家東眷久荒涼鳥雀晴喧綠野堂畱得行軍司

馬筆河山日月尙輝光

安邑道中

鳴條岡上柳依依遙挾中條積翠飛
愛玩山容不知暮夕陽和雨上征衣

臨晉道中

遠樹如簪插兩行鞭絲輕拂柳花香
山頭雲氣山邊雨一片中間界夕陽

風陵口望華山雲氣甚密

奇峰多處夏雲垂雲入奇峰峰更奇
一笑青山如速客濃和煙墨候新詩

羅敷谷

十里青山墨畫眉清波流出鏡揩陂羅敷谷口千
條柳不是邯鄲陌上時

灰塹

在渭南西
南五里

獵得功名字幾行浪憑開口說黃唐遺編多少塵
封閣卻向灰塹怨始皇

新豐

松榆社冷接蒿萊擁帚家人事可哀乞得孫兒額
羹號乃翁先自一杯來

鴻門坂

暗鳴弗忍賊同仇玉玦三提恨未休拋卻真龍空

逐鹿鴻門一席畫鴻溝

驪山懷古

南箏何處詠新涼
吹笛樓空鼓溼霜
一種飛髯六
朝柏羅襦曾拂美人香

十六湯池密石編
逍遙谷外小游仙
白鵬一去無
消息零落欄邊雙玉蓮

白髮樽前唱太平
梨園往事可勝情
望春樓上花
如雨曾聽三郎羯鼓聲

不須雨夜已傷神
幽草長生殿裏春
一曲霓裳驚
散後可憐花貌誤佳人

離恨盈盈水不波
海棠池小卽銀河
斜陽一片玻

璃石

池前有玻
璃石碑

照見存亡古別多

飄泊龜年與善才
金蓮燭燼淚成灰
君王法曲誰傳得
付與深山阿濫堆

記得魚燈倚畫屏
毬場秋夜亂流螢
無情最是西風樹
忍向朝元閣上聽

關山憔悴淚沾衣
回首旌旗五隊非
莫問秋來汾上鴈
而今不似何時飛

扶風懷古

萬里還書教誡同
二卿應不愧家風
爭如絳帳談

經客畫虎居然殺李公

縹緲世業紹蘭臺萬里歸來絕塞開誰似班家好
兒女三人三樣各奇才

寧羌道中望嶠冢山

土人呼爲漢源山

溪流一綫走奔雷嶠冢山高亂石開不羨浮槎張
博望親從天漢溯源來

途中望瀑布

空山一雨洗浮埃活翠崖邊定幾堆指點黑罡風
過處萬峰飛雪馬頭來

飛仙閣

望裏風帆葉葉輕嘉陵江上雨初晴短衫騎馬飛
仙閣身在吳生畫裏行

雲頭山

貪看天上畫屏秋不覺征鞍溼紫驕雪浪忽驚羣
壑湧始知身已立雲頭

白入棧道樹木絕少惟劍閣以南至梓潼數百里
間古柏夾道蒼然森秀蓋趙宋時州守李壁所
植也內邱喬鉢題曰翠雲廊暑途樂其庇蔭爲
作一絕句

蒼龍幾處露崢嶸畫裏雲廊翠掃成回首劍南三

百里青山不負蜀中行

仙人橋

四面雲山曉翠滋
仙人橋上雨過時
羅江一似湘江澳
兩岸人家水竹籬

成都雜詠

有序

出關十日頗有游詠耳目所得輒以口號記之
事無類聚命曰雜詠

大城裏面少城開
十八城門錦水隈
誰識漢朝元鼎業
江橋關下李雄來

曉雨初從石筍過
少城珠翠湧嵯峨
居民尙說開

明氏七寶樓前瑟瑟多

白雪抽將蘭上絲青衣零落古王祠而今祇有金
容石尙篆蠶叢起國碑

狸首聞歌轍不西周家空說晉焉依青泥坊外萇
宏血芳草年年黯馬蹏

石劍攢空萬里程道難都怯蜀中行於今行到方
知易海角天涯只一城

海角天涯二石
名俱在城中

半丈支機石有名

石在城西南隅

攜來未用訪君平蜀城

蜀水都稱錦不是天孫織不成

浣花溪接百花洲簇簇香輪冉冉舟亥市初過羅

巾起歡呼太守是遨頭

飛鳧拍拍雨如絲寒食東風料峭時好向玉輪江
上望游船多唱嫩鶯兒

青城峰色接金堂長憶徐家姊妹行拚得江山換
煙月龜城金翠至今香

一曲韋莊詠白頭西山高義綠珠樓多情只有潘
凝夢不爲金貂換解愁

解愁潘旼妾王
建求之不許

大慈寺閣倚晴空翠斂雙蛾帖小紅恰似御溝流
水外相思一葉逐秋風

禪月誰高得得名一瓶一鉢萬山輕錦衣坐唱龍

華院笑殺當年公子行

龍舟珠翠照江來
十字洲邊島嶼開
一自降旗高
豎後數重煙望鎖樓臺

記得臨邛詠鳳凰
歸來犢鼻學陽昌
琴臺日暮無

消息誰就壚頭典鷓鴣

城南有酒肆榜曰文君當壚處

草元遺墨古池濱
流恨千年水不春
白鳳夢成人

已去可能操管劇亡秦

揚雄墨池在藩署前

一聽童謠打燕來
衣冠十族恨成灰
何人正學親

題額最憶當年蜀秀才

納溪多錦石舟人拾得紅
白相間天然成人物形

有作波勢而中暈白者命之爲洞庭秋月云

青山渺渺送行舟東望湖湘隔舊游忽覺濤聲翻

袖底一拳明月洞庭秋

鄧都望陰王山

鄧平都山以陰長生王方平學道於此得名

官府眞人事渺茫傳說誰與問陰王

小說言鄧都有鬼山蓋因

陰王扁舟此日山前過惟見疏林挂夕陽

題巴東秋風亭

巉崖疊疊走巴東木葉沿山闕老紅萬里滄江正

搖落又從亭上見秋風

龍山

落帽風多舊跡存參軍逸氣蓋桓溫頭巾漉酒籬
邊日還有風流繼外孫

荆門州觀蒙惠二泉

在象山下陸子靜知荆門軍嘗講學於此

象堰泉流一鑑開石根飛雪碧雲隈紛紛朱陸論
同異誰覓源頭活水來

友驢圖應符又超

鴻

同年

時令洪縣

西風遠道鎮駸駸愛此權奇萬里心見說相人如
相馬拚將古式寫黃金

駢駢我亦賦駢征萬壘蟻叢叱馭行今日披圖成
舊識籊雲天路早蜚聲

騰槽逸氣鬱風雷
驥足原非百里才
會見孫陽標賞識
鹽車端莫負龍媒

定州道中

斜陽一抹亂雲閒
遙指西峰隔黛鬟
矗立馬渾疑圖畫
裏清風明月古中山

庚午十一月念二日

瀛臺復

命恭紀

門開

西苑蠹

瀛臺曉踏金鼇謁

帝回莫訝滿身香露重五雲深處是蓬萊

是早霧氣甚重

科第叨登近十年玉堂供職半林泉驚聞

天語憐才甚使節初乘太乙蓮

乙丑散館數月卽以外
艱歸戊辰冬始入都供

職復

命時蒙

詢爾今年初次出差臣具

悉以對

上曰爾原來初次考差臣仰窺

聖意似以臣登科頗早

而出差較遲也

書生報

國有文章況此兵銷日月光

川陝教匪平靖已久民
氣恬熙

天語垂問

猶及 械樸總關

天雨露作人雅化軼周王

蒙

詢蜀省中額近日文
風有必能得人之
論

山川周歷迴悠悠
陽雨欣看一路秋
珍重民依勞

聖主

蒙里及沿途年景
詢往來道

演耕園畔語綢繆

瀛臺西卽豐澤園自
憲皇帝每耕藉之先演耕於此遂

爲故

事

送李庶常

象鵬

乞假歸省

玉堂

封誥賚詞臣
曾記稱觴衣錦行
一十二年重上壽
博將

佳話續難兄

謂崙圃
前輩

蘆溝山色黯清晨
河水初膠路不塵
怪得連朝風

舞雪橋邊走馬是詩人

洛神圖戲應柘農

浪潑陽林雪樣麤風邊綽約立輕裾笑他左作劉
文學平視輸君看畫圖

李水部招同蔡鐵君關午亭集借綠山房卽席上
瓦卮舊句分賦得月下對佳人

菱花如夢樹如煙玉臂暉寒露比肩今夜月明真
有意印來杯上作團圓

白鶴無聲院宇陰梨雲飛屑遠沈沈倩他古月秦
時鏡照見阿儂此夜心

畫欄紅字局新排悄語空庭露點釵忽地回頭人

小立梧桐移影上香階

題二喬觀兵書圖

兵書一卷手繙新恍惚吳宮教美人消得英雄好
夫壻不隨銅雀怨深春

自題入蜀出蜀二圖

騎馬入棧
三峽歸舟

褒斜南去五丁關石棧縈紆上七盤行盡嘉陵三
百里青山重向畫中看

雙劍亭亭翠掃空青天蜀道杳難窮蹇驢細雨關
前過莫被人猜陸放翁

明月瞿塘舊有名黃牛白狗鎖崢嶸扁舟回首猿

מחזורי חורף

1. **Introduction**
 2. **Methodology**
 3. **Results**
 4. **Conclusion**